

中國文學研究社

專修
科函授講義

指嚴署



壬戌年十月初一日印行

版所不翻
權有准印

專修科函授講義

第二期價值一元

非賣品

主幹者

王朱

秉祖

恩謀

編纂者

羅五

校訂者

嚴獨

印刷者

吳承記印書局

上海城內九畝地

香港高陞

存版處

中國文學研究社

戲院對面

專修科函授講義第二期目錄

經學講義.....宋文蔚

史學講義.....許指嚴

國史概要.....許指嚴

西洋史概要.....胡懷琛

子學講義.....孫益安

文學講義.....姚鵬雛

文法講義.....程瞻廬

作文法.....姚鵬雛

小學講義.....宋澄之

駢文講義.....宋文蔚

詩學講義

姚鵬雛

作詩法

天虛我生

詞學講義

王蓴農

填詞法

天虛我生

尺牘講義

徐枕亞

實用寫信法

胡寄塵

新聞學講義

嚴獨鶴

小說講義

程瞻廬

小說作法

王西神

修身講義

羅五洲

有嚴。彭祖顏安樂皆今文也。武帝末年魯共王壞孔子宅得古
文。尙書及禮記論語孝經凡數十篇皆古字。又有禮古經出於
魯淹中是爲古文。東漢旣立今文十四博士建初中又詔高才
生受古文尙書毛詩穀梁左氏春秋所以網羅遺逸博存衆家
然經字旣有古今之異博士又各守師說不能合轍六藝乖異
無所折中惟時汝南許叔重病各家臧否不同作五經異義高
密鄭康成又有駁五經異義厥後魏王肅不好鄭氏之學集聖
證論以難康成同時孫叔然又著書駁而釋之夫同是六藝之
文而彼此異說各是其是後人將安所適從况自唐孔穎達等
作正義獨毛詩三禮用鄭註其餘易用鄭弼韓康伯註書用梅
賾僞孔傳春秋左氏用杜元凱註兩漢經師傳註存者無幾猶

賴後儒搜輯古註補遺訂墜如唐李鼎祚周易集解其自言刊
輔嗣之野文補康成之逸象漢儒易註藉存崖略宋王伯厚輯
易鄭註於鄭氏一家之學亦得辜較近儒惠定宇周易述張惠
言虞氏義多緣是成書尚書則近儒孫星衍之馬鄭註輯王鳴
盛之尚書後案春秋左氏傳則李貽德之賈服註輯述尚可考
見古義然存什一於千百所得亦僅矣有志古學者不可不知
所寶也

謹按漢書儒林傳贊武帝立五經博士書歐陽禮后易楊春
秋公羊僅臚四經者魯齊韓三家之詩已立文景間矣趙岐
孟子題辭曰文帝欲廣文學之路論語孝經孟子爾雅皆置
博士此事史家闕略不載又曰後罷傳記博士獨立五經蓋

言罷於武帝也。宣帝更立大小夏后尙書。大小戴禮。施孟梁
卯易。穀梁春秋。元帝立京氏易。平帝立左氏春秋。毛詩。逸禮。
古文尙書。而周官經。劉歆末年知周公致太平之迹。始有傳
者。凡羣經傳記。先後表見於漢。大致可攷如此。戴東原先
生說。

書禮二經殘闕

戴東原先先生云。尙書二十八篇。濟南伏生所傳。後附益大誓一
篇。用當時隸書寫之。故傳今文尙書。而武帝時魯恭王壞孔子
宅。所得者多十六篇。許叔重說文解字叙記六體書。一曰古文。
孔子壁中書也。蓋如商周鼎彝之書。故傳古文。尙書以入於祕
府。未列學官。故謂之中古文。

伏生今文二十八篇。無大誓。而史記云。伏生求其書。亡數十篇。獨得二十九篇。殆因是時。已於伏生所傳內。益以大誓。共爲博士之業。不復別識言耳。劉向別錄曰。民有得大誓書於壁內者。獻之。與博士使讀說之。數月。皆起。傳以教人。劉歆移書太常博士曰。孝文皇帝始使掌故。晁錯。從伏生受尙書。尙書初出屋壁。朽折散絕。大誓後得。博士集而讀之。鄭康成書論曰。民間得大誓。劉、鄭所記。可以補史記之略。伏生今文合大誓爲二十九篇。堯典一、皋陶謨二、禹貢三、甘誓四、湯誓五、盤庚六、高宗彤日七、西伯戡黎八、微子九、大誓十、牧誓十一、洪範十二、金縢十三、大誥十四、康誥十五、酒誥十六、梓材十七、召誥十八、洛誥十九、多士二十、無逸廿一、君奭廿二、多方廿三、立政廿四、顧命廿五、費

誓廿六、呂刑廿七、文侯之命廿八、秦誓廿九、大誓外尚有百

篇之序。史記並見采錄。

古文尙書爲孔安國所得。漢書儒林傳稱逸書得十餘篇。劉歆言逸書十六篇藏於祕府。伏而未發。藝文志言以攷二十九篇得多十六篇。荀悅漢紀言得古文尙書多十六篇。武帝時孔安國獻之。馬融書序言逸十六篇絕無師說。其篇名則鄭注書序逸篇之目。舜典一汨作二九共三大禹謨四棄稷五五子之歌六胤征七湯誥八咸有一德九典寶十伊訓十一肆命十二原命十三武成十四旅獒十五繫命十六。以此十六卷合今文之所有二十九卷。百篇之序一卷。是爲藝文志尙書古文經四十六卷。九共析爲九。則逸書凡二十四。而今文所有者盤庚大誓

各分爲三。顧命分王若曰以下爲康王之誥。析爲三十四。不數百篇之序。故劉向別錄云五十八篇。桓譚新論云古文尙書舊有四十五卷。爲五十八篇。藝文志雖數百篇之序。增多一卷。而四十六卷者。一卷篇亡。鄭康成所謂武成逸篇。建武之際亡。適當其亡篇。故志僅傳五十七篇。古文非博士所治。是以謂之逸書。劉向、劉歆、班固、賈逵、校理祕書。咸得見之。民間則有膠東唐生之遺學。建初延光和中。詔選高才生能通者。以扶微學。廣異義。而後漢之儒。如尹敏、周防、孔僖、杜林、衛、賈、馬、鄭。傳是學不一人。然賈、馬、鄭雖雅好古文。其作訓註亦但解其今文所立於學官者。豈逸篇殘脫失次不可讀歟。逸書旣亡。東晉元帝時梅賾乃奏上古文尙書孔安國傳於二

史學講義

指嚴署簽



史

學

書

蘇氏藏書



其在國家行政則雖不世其家亦必專其官此事可斷言也嘗考古人史設專官之義與現世科學家論歷史之綱要多有吻合者今舉六事如左

(甲)國家主義專制政體以君主爲本位天子稱天而治直

神聖不可侵犯而惟史可以限制其威權俾知有所畏懼

太史書日食使修陽教則天子遜席撤樂南史執簡以請

而諸侯則不敢殺詩云既立之監或佐之史是史者在專

制時代不啻國民代表監督機關之議會也史爲國與民

而設是卽歐美歷史家緒論之首崇國家是也

(乙)羣生主義左史記事右史記言似詳一人一朝之政治

制度亦比於臣僚庶官而已不知史之職全在注意民生

(丙)

書。所。謂。民。惟。邦。本。傳。所。謂。豈。其。使。一。人。肆。於。民。上。三。事。九。功。形。諸。歌。詠。太。史。陳。詩。以。觀。民。風。皆。所。以。爲。羣。生。立。命。也。泰。西。崇。拜。英。雄。而。不。遺。夫。社。會。吾。古。史。微。義。曷。嘗。與。之。相。左。哉。苟。光。大。之。合。羣。之。理。惟。吾。國。爲。最。尊。關。係。時。務。的。歷。史。家。本。以。掌。故。稱。自。來。深。明。史。事。者。必。好。陳。古。法。輒。曰。守。先。王。之。道。在。常。人。之。言。亦。曰。歷。史。爲。過。去。之。陳。迹。然。此。皆。片。面。之。詞。不。足。以。賅。全。體。也。實。則。不。通。時。務。不。足。以。爲。史。章。實。齋。氏。云。傳。曰。禮。時。爲。大。又。云。書。同。文。蓋。言。貴。時。王。之。制。也。學。者。誦。先。聖。遺。言。而。不。達。時。王。制。度。是。以。文。爲。鞶。帨。絺。繡。之。玩。而。學。爲。鬪。奇。射。覆。之。資。不。復。計。其。實。用。也。然。則。史。貴。通。今。之。說。章。氏。已。知。之。矣。泰。西。之。

史。世。愈。近。則。紀。載。愈。詳。實。同。斯。旨。耳。或。曰。今。我。國。政。體。不。同。一。切。法。度。殊。異。彼。史。事。何。與。於。時。務。哉。不。知。國。粹。所。存。人。民。性。質。之。優。異。所。在。習。慣。法。之。未。可。遽。行。違。反。凡。此。種。種。非。深。通。史。事。者。曷。以。措。施。政。治。其。他。景。仰。先。賢。考。訂。古。蹟。所。繫。尤。多。但。觀。今。日。之。負。笈。歸。來。不。明。國。情。者。往。往。一。無。所。建。樹。豈。非。廢。置。國。史。之。咎。耶。然。則。史。學。之。關。於。時。務。明。矣。

(丁) 關於理想的孔子曰其義則某竊取之矣義者何寓於史法中之一種理想也凡作史雖多隸事實而必有現在或未來之理想貫徹乎其中三代以降惟太史公深明此意班書以後拘乎一代君主之成法類不足語於此矣章

實。齋氏言史。所史者。義。義者。何今之所謂理想是也。必其
人具有高掌遠蹠。移風易俗之宏願。而後發揮之於史書。
以詔來世。方爲良史。卽孔子所謂我欲託之空言。不如見
之行事之深切著明。所謂託者。卽理想是。行事卽史也。空
言僅有文字。行事則歷代過去之陳迹。是非褒貶。朗若列
眉。或伸一家言。或表示輿論。要之皆有一種理想的。世界
磅礴其中焉。

(戊)關於別擇的書經。罔命篇云。辭尙體要。言凡文辭必特
提大體與要義。無事瑣屑也。此實史家之妙祕。春秋之法
筆則筆削則削。孔子又刪詩書。豈非貴於有所擇耶。章氏
亦言史守掌故。而不知擇。猶府守庫藏。而不知計也。西儒

斯賓塞曰。或告云。隣家之貓。昨日產一子。以云事實。誠事。實也。然誰不知爲無用之事。實乎。何也。以其與他事毫無。關涉於吾人生活上。毫無影響故也。歷史。上之事蹟。其類。此者。正多是故。史家惟一要訣。在自運眼光。知所別擇。苟。漫書。無謂之事。實則非獨府守庫藏。不知計且演成。隣貓。生子之笑柄耳。史書雖至汗牛充棟。何關實用。中外古今。同此理也。

(已)關於創作的。孔子所謂述而不作。者是不欲以史自名。也是故。不知而作。引爲深恥。乃欲得百二十國寶書而修。之。似乎因襲成作。不敢自樹一幟。不知春秋之作。陰行天。子之事。因而有知我罪我之言。試問孔子以前有此著作。